



ԼԴ/0318/01/23

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՆՈՒՆԻՑ

Լոռու մարզի առաջին աստիճանի
ընդհանուր իրավասության դատարան,
նախագահող դատավոր՝ Լ.Սեփիսանյան

ՀՀ վերաքննիչ քրեական դատարան,
նախագահող դատավոր՝ Լ.Ալավերդյան
դատավորներ՝ Գ.Հովհաննիսյան
Կ. Հովհաննիսյան

18 օգոստոսի 2025 թվական

ք.Երևան

ՀՀ Վճռաբեկ դատարանի քրեական պալատը (այսուհետ՝ Վճռաբեկ դատարան),

նախագահությամբ՝	Հ.ԱՍԱՏՐՅԱՆԻ
մասնակցությամբ դատավորներ՝	Ս.ԱՎԵՏԻՍՅԱՆԻ
	Հ.ԳՐԻԳՈՐՅԱՆԻ
	Լ.ԹԱԴԵՎՈՍՅԱՆԻ

գրավոր ընթացակարգով քննության առնելով մեղադրյալ Հովհաննես Վիլսոնի
Խանադյանի վերաբերյալ ՀՀ վերաքննիչ քրեական դատարանի՝ 2024 թվականի
օգոստոսի 29-ի որոշման դեմ ՀՀ գլխավոր դատախազի տեղակալ Ա.Պողոսյանի
վճռաբեկ բողոքը,

Պ Ա Ր Զ Ե Ց

Վարույթի դատավարական նախապատմությունը.

1. 2023 թվականի հունիսի 23-ին, ՀՀ քննչական կոմիտեի Լոռու մարզային քննչական վարչությունում, նախաձեռնվել է թիվ 39115123 քրեական վարույթը՝ ՀՀ քրեական օրենսգրքի 452-րդ հոդվածի 3-րդ մասով նախատեսված հանցագործության հատկանիշներով:

2023 թվականի հունիսի 23-ին Հովհաննես Վիլսոնի Խանադյանը ձերբակալվել է:

2023 թվականի հունիսի 25-ին Հովհաննես Խանադյանի նկատմամբ ՀՀ քրեական օրենսգրքի 452-րդ հոդվածի 3-րդ մասով հարուցվել է հանրային քրեական հետապնդում, և նրան մեղադրանք է ներկայացվել:

Նախաքննության մարմնի՝ 2023 թվականի հունիսի 26-ի որոշմամբ մեղադրյալ Հովհաննես Խանադյանի նկատմամբ որպես խափանման միջոց է կիրառվել բացակայելու արգելքը:

2023 թվականի նոյեմբերի 14-ին քրեական վարույթը մեղադրական եզրակացությամբ ուղարկվել է Լոռու մարզի առաջին ատյանի ընդհանուր իրավասության դատարան (այսուհետ՝ նաև Առաջին ատյանի դատարան):

2. Առաջին ատյանի դատարանի՝ 2024 թվականի հուլիսի 2-ի դատավճռով Հովհաննես Խանադյանը մեղավոր է ճանաչվել ՀՀ քրեական օրենսգրքի 452-րդ հոդվածի 3-րդ մասով և նրա նկատմամբ պատիժ է նշանակվել ազատազրկում՝ 2 (երկու) տարի ժամկետով: ՀՀ քրեական օրենսգրքի 79-րդ հոդվածի կանոններով, Հ.Խանադյանի նկատմամբ ազատազրկման ձևով նշանակված պատժին հաշվակցվել է 2023 թվականի հունիսի 23-ից մինչև հունիսի 25-ը փաստացի անազատության մեջ գտնվելու 3 (երեք) օրը, և Հ.Խանադյանի նկատմամբ վերջնական պատիժ է նշանակվել ազատազրկում՝ 1 (մեկ) տարի 11 (տասնմեկ) ամիս 27 (քսանյոթ) օր ժամկետով: ՀՀ քրեական օրենսգրքի 84-րդ հոդվածի հիման վրա Հ.Խանադյանի նկատմամբ նշանակված ազատազրկման ձևով պատիժը պայմանականորեն չի կիրառվել և սահմանվել է փորձաշրջան՝ 2 (երկու) տարի ժամկետով՝ առանց դատապարտյալի վարքագծի նկատմամբ վերահսկողություն իրականացնող իրավասու մարմնի համաձայնության Հայաստանի Հանրապետության տարածքը

չլքելու և բնակության վայրը փոխելու դեպքում դատապարտյալի վարքագծի նկատմամբ վերահսկողություն իրականացնող իրավասու մարմնին սեղմ ժամկետում նոր բնակության վայրի հասցեն հայտնելու պարտականությունների սահմանմամբ: Հ.Խանադյանի նկատմամբ ընտրված խափանման միջոցը՝ բացակայելու արգելքը, թողնվել է անփոփոխ՝ մինչև դատավճռի օրինական ուժի մեջ մտնելը:

3. Առաջին ատյանի դատարանի վերոնշյալ դատավճռի դեմ դատախազի կողմից ներկայացվել է վերաքննիչ բողոք, որը ՀՀ վերաքննիչ քրեական դատարանի (այսուհետ՝ նաև Վերաքննիչ դատարան)՝ 2024 թվականի օգոստոսի 29-ի որոշմամբ մերժվել է, իսկ Առաջին ատյանի դատարանի դատավճիռը՝ թողնվել անփոփոխ:

4. Վերաքննիչ դատարանի վերոնշյալ որոշման դեմ ՀՀ գլխավոր դատախազի տեղակալ Ա.Պողոսյանը ներկայացրել է վճռաբեկ բողոք, որը Վճռաբեկ դատարանի՝ 2025 թվականի հունվարի 13-ի որոշմամբ ընդունվել է վարույթ և սահմանվել է վճռաբեկ բողոքի քննության գրավոր ընթացակարգ:

Վճռաբեկ բողոքի հիմքերը, փաստարկները և պահանջը.

Վճռաբեկ բողոքը քննվում է հետևյալ հիմքերի սահմաններում՝ ներքոհիշյալ հիմնավորումներով.

5. Բողոքաբերը նշել է, որ ստորադաս դատարանները չեն պահպանել ՀՀ քրեական օրենսգրքի 7-րդ, 55-րդ, 69-րդ, 84-րդ հոդվածների պահանջները, արդյունքում թույլ են տվել դատական սխալ՝ նյութական իրավունքի խախտում, որն ազդել է վարույթի ելքի վրա:

5.1. Բողոքի հեղինակը նշել է, որ ստորադաս դատարանները հաշվի չեն առել մեղադրյալի կատարած հանցագործության բնույթը և հանրության համար վտանգավորության աստիճանը, դրա կատարման եղանակը, հանցավոր մտադրության իրականացման աստիճանը, հանցագործությունը կատարելուց հետո մեղադրյալի դրսևորած վարքագիծը, նրա արարքի սոցիալական հետևանքները, ինչպես նաև հանցագործության անմիջական օբյեկտի՝ կառավարման կարգի դեմ ուղղված ոտնձգության բնույթը և այդ ոլորտում պետության քրեական քաղաքականության ուղղվածությունը:

5.2. Բողոքաբերի կարծիքով՝ ստորադաս դատարանների կողմից մեղադրյալի նկատմամբ նշանակված պատիժը պայմանականորեն չկիրառելու հիմքում դրված անձը բնութագրող տվյալները՝ նախկինում դատապարտված չլինելը, մեղքն ընդունելը, չեն կարող ողջամտորեն նվազեցնել նրա կատարած արարքի հանրային վտագավորության աստիճանը և բավարար չեն նրա նկատմամբ ազատագրկման ձևով նշանակված պատիժը պայմանականորեն չկիրառելու և պատժի նպատակների իրացումն ապահովելու համար: Ուստի, բողոք բերած անձի պնդմամբ՝ մեղադրյալի արարքի հանրային վտանգավորությունը չի նվազել այն աստիճան, որ հիմնավոր համարվի նրա նկատմամբ նշանակված պատիժը պայմանականորեն չկիրառելը:

6. Բողոքաբերն ընդգծել է, որ Հովհաննես Խանադյանն իր բացասական վերաբերմունքը դրսևորելով իրենց օրինական ծառայողական պարտականություններից բխող գործունեություն իրականացնող ոստիկանների նկատմամբ, և դրսևորելով հակաիրավական վարքագիծ՝ ոստիկանների օրինական ծառայողական գործունեությանը գիտակցված և դիտավորությամբ միջամտելու նպատակով, նրանց նկատմամբ բռնություն է գործադրել, ինչը վկայում է հանցանք կատարած անձի հանրային վտանգավորության բարձր աստիճանի մասին, ինչը գնահատման չի արժանացել մեղադրյալի նկատմամբ պատիժ նշանակելիս և այն կրելու նպատակահարմարության հարցը լուծելիս:

7. Վերոշարադրյալի հիման վրա, բողոքաբերը խնդրել է փոփոխել Վերաքննիչ դատարանի՝ 2024 թվականի օգոստոսի 29-ի որոշումը, վերացնել Հովհաննես Խանադյանի նկատմամբ նշանակված պատիժը պայմանականորեն չկիրառելը և նրա նկատմամբ նշանակել համաչափ պատիժ:

Վճռաբեկ բողոքի քննության համար էական նշանակություն ունեցող փաստական հանգամանքները.

8. Հովհաննես Խանադյանին ՀՀ քրեական օրենսգրքի 452-րդ հոդվածի 3-րդ մասով մեղադրանք է ներկայացվել և նա մեղավոր է ճանաչվել այն արարքի համար, որ *«(...) 2023 թվականի հունիսի 23-ին, սահմանված կարգով տրանսպորտային միջոց վարելու իրավունքի վարորդական վկայական չունեցող որդուն՝ Էդգար Հովհաննեսի Խանադյանին վարելու համար հանձնել է փաստացի իրեն պատկանող «GAZ 3110»*

մակնիշի, (...) հաշվառման համարանիշի ավրումքենան, որից հետո նույն օրը, ժամը՝ 11:00-ի սահմաններում, միասին Կաթնատար բնակավայրից ուղևորվել են Տաշիր քաղաքի Երևանյան փողոցի (...) հասցեում գրնվող, (...) անհատ ձեռնարկատիրոջը պարկանող շինանյութի խանութ: Հասնելով հիշյալ խանութի մոտ, Էդգար Հովհաննեսի Խանադյանն իր վարած «GAZ 3110» մակնիշի, (...) հաշվառման համարանիշի ավրումքենայով, խախտելով ՃԵԿ-ի «Ճանապարհային գծանշումներ քաժնի» 1.1 կետի պահանջները՝ հատելով Երևանյան փողոցի տրանսպորտային միջոցների երթևեկության հակադիր հոսքերն իրարից քաժանող հոժ գիժը, ավրումքենան կայանել է իր երթևեկության ուղղության ձախ կողմում գրնվող շինանյութի խանութի դիմացի հատվածում՝ թույլ տալով «Վարչական իրավախախտումների մասին» ՀՀ օրենսգրքի 124-րդ հոդվածի 2-րդ մասով նախատեսված վարչական իրավախախտում: Նշված հանգամանքը նկարվել է նույն վայրում ծառայություն իրականացնող, ՀՀ ՆԳՆ ոստիկանության պարեկային ծառայության Լոռու գումարակի 2-րդ վաշտի 2-րդ դասակի ավագ պարեկ, ոստիկանության մայոր Դավիթ Արամի Դավթյանի և կրտսեր պարեկ, ոստիկանության ավագ սերժանտ Դավիթ Հրաչիկի Դավթյանի կողմից, որոնք մոտենալով ավրումքենայից իջած վարորդ Էդգար Խանադյանին, ներկայացել և վարչական իրավախախտման արձանագրություն կազմելու նպատակով պահանջել են ներկայացնել տրանսպորտային միջոցի հաշվառման վկայագիրն ու վարորդական իրավունքի վկայականը:

Հովհաննես Վիլսոնի Խանադյանը հայտարարելով, որ փաստաթղթերը գրնվում են իր մոտ և չի պատրաստվում ներկայացնել, որդու վերաբերյալ վարչական իրավախախտման արձանագրություններ կազմելուն խոչընդոտելու նպատակով, քարձրաձայն վիրավորական արտահայտություններ կատարելով, զագրախոսելով, քայլել է խանութի մուտքի դռան ուղղությամբ՝ որդուն հորդորելով հեղնել իրեն: Միևնույն ժամանակ Դավիթ Արամի Դավթյանը մոտեցել է Հովհաննես Խանադյանին և կրկին փաստաթղթերը ներկայացնելու օրինական պահանջ ներկայացրել, սակայն վերջինս հայիոյել և Դավիթ Արամի Դավթյանի օրինական ծառայողական գործունեությանը խոչընդոտելու նպատակով բռնություն է գործադրել Դավիթ Արամի Դավթյանի նկատմամբ՝ երկու ձեռքով հարվածելով նրա կրծքավանդակի շրջանին՝

իրել դեպի հեյր, բռնել է համազգեստից, քաշքշել և ձախ ձեռքով հարվածներ հասցրել նրան: Այդ ընթացքում Հովհաննես Խանադյանի ոչ իրավաչափ գործողությունները կանխելու նպատակով Դավիթ Հրաչիկի Դավթյանն իրեն ամրակցված պղպեղային օղամղիչը գործադրելով՝ փչել է Հովհաննես Խանադյանի դեմքին: Միևնույն ժամանակ Էդգար Խանադյանը մոտեցել է հորը և հեյր քաշել նրան, որից հեյրո միայն՝ Հովհաննես Խանադյանը դադարեցրել է իր նկարագրված գործողությունները (...)¹:

9. Առաջին ատյանի դատարանը 2024 թվականի հուլիսի 2-ի դատավճռով արձանագրել է հետևյալը. «(...) [Վ]երլուծելով սույն գործով հաստատված հանգամանքները՝ Դատարանն արձանագրում է, որ Հովհաննես Խանադյանի կողմից առանց պարիժը կրելու և վերջինիս նկարմամբ ազատագրկման ձևով նշանակված պարիժը պայմանականորեն չկիրառելու միջոցով Կրկյալ գործով հնարավոր է հասնել պարժի նպատակներին և ապահովել ՀՀ քրեական օրենսգրքով սահմանված արդարության, պատասխանատվության անհատականացման և պարիժ նշանակելու ընդհանուր սկզբունքները:

Պարիժը պայմանականորեն չկիրառելով Դատարանը հաշվի է առնում նաև այն, որ մեղադրյալի ընտանիքը սոցիալապես անապահով է, բազմանդամ, ունի չորս երեխա, երեխաներից մեկն անչափահաս է՝ 3 տարեկան, դատարանի գնահատմամբ ազատագրկման ձևով պարիժը ընտանիքի համար կարող է հանգեցնել ծանր հետևանքների, նման պայմաններում մեղադրյալի նկարմամբ պարիժը պայմանականորեն չկիրառելը բխում է արդարության, պատասխանատվության անհատականացման և պարիժ նշանակելու ընդհանուր սկզբունքներից: Այսպիսով, բազմակողմանի վերլուծության ու գնահատման ենթարկելով հանցավորի անձը, տարիքը, Դատարանը հանգում է եզրակացության, որ Հովհաննես Խանադյանի ուղղումը հնարավոր է առանց նշանակված պարիժը կրելու:

Միաժամանակ, հաշվի առնելով մեղադրյալին մեղսագործության ծանրության աստիճանը, Դատարանը գտնում է, որ փորձաշրջանի ժամկետ պեղք է սահմանել 2 (երկու) տարի և ղեկավարվելով ՀՀ քրեական օրենսգրքի 84-րդ հոդվածով, Դատարանն անհրաժեշտ է համարում մեղադրյալի վրա դնել նաև

¹ Տե՛ս վարույթի նյութեր, հատոր 1, թերթեր 118-119:

լրացուցիչ պարտավորություններ՝ փորձաշրջանի ընթացքում առանց վարքագծի նկատմամբ հսկողություն իրականացնող մարմնի թույլտվության չփոխել մշտական քնակության վայրը, առանց դատապարտյալի վարքագծի նկատմամբ վերահսկողություն իրականացնող իրավասու մարմնի համաձայնության չլքել Հայաստանի Հանրապետության փարածքը (...)»²:

10. Վերաքննիչ դատարանը 2024 թվականի օգոստոսի 29-ի որոշմամբ արձանագրել է հետևյալը. «(...) Այսպիսով, Վերաքննիչ դատարանն արձանագրում է, որ մեղադրյալի կարարած հանցագործության բնույթին ու հանրային վրանգավորության աստիճանին, հանցագործության կարարման հանգամանքներին, նրա անձին, պարասխանավորությունն ու պարիժը մեղմացնող հանգամանքներին վերաբերող, օբյեկտիվորեն գոյություն ունեցող և Առաջին արյանի և Վերաքննիչ դատարանների կողմից դատաքննության ընթացքում ապացույցների սրուգման և գնահատման օրենսդրական պահանջների պահպանմամբ հետազոտված հանգամանքների ամբողջական վերլուծությունը՝ ՀՀ քրեական օրենսգրքի 55-րդ հոդվածով նախատեսված պարժի նպատակների իրացվելիության համարեքստում, թույլ է տալիս գալու եզրահանգման, որ տվյալ պարագայում մեղադրյալ Հովհաննես Խանադյանի նկատմամբ ազատազրկման ձևով նշանակված պարիժը պայմանականորեն չկիրառելը համապարասխանում է օրինականության, արդարության, մարդասիրության և պարասխանավորության անհատականացման քրեաիրավական սկզբունքներին, հետևաբար մեղադրյալ Հովհաննես Խանադյանի նկատմամբ ՀՀ քրեական օրենսգրքի 84-րդ հոդվածի կիրառմամբ ազատազրկման ձևով պարիժը պայմանականորեն չկիրառելու վերաբերյալ Առաջին արյանի դատարանի հետևությունը հիշյալ սկզբունքների երաշխավորման տեսանկյունից հիմնավորված է և ըստ այդմ՝ բացակայում են Բողոքաբերի վերաքննիչ բողոքը բավարարելու հիմքերը:

Վերաքննիչ դատարանը, կարևորելով մեղադրյալի պարասխանավորությունն ու պարիժը մեղմացնող հանգամանքների առկայությունը (խնամքին անչափահաս երեխա ունենալը, մեղքը ընդունելը և զղջալը), ծանրացնող հանգամանքների բացակայությունը, անձը բնութագրող հանգամանքները (ընտանիքի բազմանդամ և

² Տե՛ս վարույթի նյութեր, հատոր 2, թերթեր 114-138:

սոցիալապես անապահով լինելը, առաջին անգամ հանցանք կատարած լինելը), հանգում է այն հետևության, որ առկա են ազատագրկման ձևով նշանակված պատիժը պայմանականորեն չկիրառելու օրենսդրական հիմքերը:

Վերաքննիչ դատարանի համոզմամբ՝ վերը նշված հանգամանքների ամբողջական վերլուծությունը բավարար հիմք է տալիս հետևություն անելու մեղադրյալ Հովհաննես Խանադյանի նկատմամբ նշանակված ազատագրկման ձևով պատիժը կիրառելու աննպատակահարմարության և առանց այդ պատիժը նրա կողմից ռեալ (իրական) կրելու սույն գործով պատժի նպատակների իրացվելիության ապահովմանը հասնելու հնարավորության մասին (...)³:

Վճռաբեկ դատարանի հիմնավորումները և եզրահանգումը.

11. Սույն վարույթով Վճռաբեկ դատարանի առջև բարձրացված իրավական հարցը հետևյալն է. հիմնավորվա՞ծ են արդյոք մեղադրյալ Հովհաննես Խանադյանի նկատմամբ ՀՀ քրեական օրենսգրքի 452-րդ հոդվածի 3-րդ մասով ազատագրկման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունները:

12. Վճռաբեկ դատարանը նշանակված պատիժը պայմանականորեն չկիրառելու հարցերին 2003 թվականի ապրիլի 18-ին ընդունված ՀՀ քրեական օրենսգրքի կարգավորումների շրջանակներում անդրադարձել է մի շարք նախադեպային որոշումներում⁴: Վճռաբեկ դատարանը կրկնում է, որ նշանակված պատիժը պայմանականորեն չկիրառելու վերաբերյալ նախկինում արտահայտված իրավական դիրքորոշումները շարունակում են վերաբերելի մասով (*mutatis mutandis*) կիրառելի լինել նաև գործող քրեաիրավական կարգավորումների նկատմամբ:

12.1. Վերահաստատելով նախկինում արտահայտած իրավական դիրքորոշումները՝ Վճռաբեկ դատարանը ևս մեկ անգամ փաստում է, որ դատարանի

³ Տե՛ս վարույթի նյութեր, հատոր 3, թերթեր 39-45:

⁴ Տե՛ս Վճռաբեկ դատարանի՝ Արմեն Շահբազյանի գործով 2014 թվականի օգոստոսի 15-ի թիվ ԵՇԴ/0143/01/13, Սարգիս Խաչատրյանի գործով 2015 թվականի մարտի 27-ի թիվ ՏԴ/0031/01/14, Նարեկ Խաչատրյանի գործով 2015 թվականի օգոստոսի 28-ի թիվ ԵԿԴ/0191/01/14, Արսեն Կարապետյանի և Ռուբեն Գուլգույանի գործով 2015 թվականի օգոստոսի 28-ի թիվ ԵԱԴԴ/0011/01/14, Սերգեյ Արուսյանի գործով 2016 թվականի հունիսի 24-ի թիվ ԵԱԴԴ/0038/01/15, Արմեն Գրիգորյանի գործով 2021 թվականի փետրվարի 10-ի թիվ ԵԴ/0335/01/19, Անդրանիկ Ալավերդյանի գործով 2021 թվականի հուլիսի 20-ի թիվ ԿԴ2/0026/01/19 որոշումները:

համոզվածությունը և վստահությունն այն մասին, որ պատժի նպատակների իրականացումը հնարավոր է առանց իրական պատիժ կրելու, պետք է հիմնվի օրյեկտիվորեն գոյություն ունեցող այնպիսի տվյալների համակողմանի վերլուծության վրա, որոնք բնութագրում են արարքը, հանցավորի անձը և վկայում պատիժը պայմանականորեն չկիրառելու հիմքերի առկայության մասին: Այս կապակցությամբ Վճռաբեկ դատարանը բազմիցս փաստել է, որ թեև պատիժը պայմանականորեն չկիրառելու հետ կապված ՀՀ քրեական օրենսգիրքն ինչպես հանցագործությունների, այնպես էլ անձանց շրջանակի որևէ սահմանափակում չի նախատեսում, սակայն դատարանի հետևությունները պետք է, ի թիվս այլնի, հիմնված լինեն նաև հանցագործության հանրային վտանգավորության աստիճանի և բնույթի ամբողջական գնահատման վրա⁵ հաշվի առնելով այնպիսի գործոններ, ինչպիսիք են օրենքով պահպանվող հասարակական հարաբերության բնույթը, հանցանքի սուբյեկտիվ կողմի ձևը և տեսակը, պատճառված վնասի չափը, պատասխանատվությունը և պատիժը մեղմացնող ու ծանրացնող հանգամանքները, հանցագործության հանգամանքները, եղանակը, գործիքներն ու միջոցները, նպատակներն ու շարժառիթները և այլն⁶:

13. ՀՀ քրեական օրենսգրքի 452-րդ հոդվածի 3-րդ մասի համաձայն՝ *«Պաշտոնատար անձի օրինական ծառայողական կամ քաղաքական գործունեությանը միջամրելու նպատակով պաշտոնատար անձի կամ նրա մերձավոր ազգականի կամ մերձավորի կամ նշված անձանց դատախազության, խնամքի կամ հսկողության տակ գտնվողի նկատմամբ բռնություն գործադրելը՝ պարժվում է ազատագրվմամբ՝ երկուսից հինգ տարի ժամկետով»:*

ՀՀ քրեական օրենսգրքի 452-րդ հոդվածով սահմանված հանցակազմը դասվում է կառավարման կարգի դեմ ուղղված հանցագործությունների շարքին և

⁵ Հանցագործության հանրային վտանգավորության աստիճանի և բնույթի վերաբերյալ, ի թիվս այլ որոշումների, մանրամասն տե՛ս Վճռաբեկ դատարանի՝ *Գարուշ Մադաթյանի* գործով 2009 թվականի փետրվարի 17-ի թիվ ԵՇԴ/0029/01/08, *Արարատ Ավագյանի* և *Վահան Մահակյանի* գործով 2014 թվականի հոկտեմբերի 31-ի թիվ ԵԿԴ/0252/01/13 որոշումները:

⁶ Տե՛ս Վճռաբեկ դատարանի՝ *Սամսոն Ամիրխանյանի* գործով 2012 թվականի նոյեմբերի 1-ի թիվ ԵԱԴԴ/0034/01/12, *Արսեն Մկրտչյանի* գործով 2012 թվականի դեկտեմբերի 5-ի թիվ ԼԴ/0093/01/12, *Վանյա Բեգյանի* գործով 2013 թվականի հոկտեմբերի 18-ի թիվ ՏԴ/0018/01/13, *Արամայիս Հովհաննիսյանի* գործով 2015 թվականի փետրվարի 27-ի թիվ ԳԴ/0014/01/14, *Մհեր Հովհաննիսյանի* գործով 2015 թվականի դեկտեմբերի 18-ի թիվ ԵԿԴ/0039/01/15 և այլ որոշումները:

բնութագրվում որպես հանցավոր արարք, որը ունի նպատակ է իշխանության ներկայացուցիչների դեմ: Նշված հանցավոր արարքի օբյեկտ են հանդիսանում ոչ միայն իշխանության ներկայացուցչի կամ նրա մերձավորների կյանքը, առողջությունը, պատիվն ու արժանապատվությունը: Քննարկվող հանցագործություններն առաջին հերթին ուղղված են հանրային մարմինների կառավարման բնականոն գործունեության դեմ, հետևաբար օժտված են հասարակական և հանրային բարձր վտանգավորությամբ, քանի որ ունի նպատակ է իշխանության ներկայացուցիչների կողմից կառավարման հետ կապված իրենց՝ օրենքով սահմանված լիազորությունների անխափան իրականացման ապահովմանն ուղղված հասարակական հարաբերությունների դեմ: Ընդ որում, տվյալ հանցակազմի՝ հասարակական և հանրային բարձր վտանգավորությունը պայմանավորվում է նաև հանցագործության սուբյեկտի կողմի հատկանիշով, մասնավորապես, այն հանգամանքով, որ հանցանք կատարող անձը գործում է ուղղակի դիտավորությամբ և գիտակցում է, որ բռնություն է գործադրում իշխանության ներկայացուցչի նկատմամբ⁷:

14. Սույն վարույթի նյութերի ուսումնասիրությունից երևում է, որ.

- Հովհաննես Խանադյանին մեղադրանք է ներկայացվել և Առաջին ատյանի դատարանի դատավճռով նա մեղավոր է ճանաչվել այն բանի համար, որ 2023 թվականի հունիսի 23-ին, խոչընդոտել է ՀՀ ՆԳՆ ոստիկանության պարեկային ծառայության պարեկների օրինական ծառայողական գործունեությանը, հայիոյել է և բռնություն է գործադրել⁸:

- Առաջին ատյանի դատարանը, Հ.Խանադյանի նկատմամբ նշանակված պատիժը պայմանականորեն չկիրառելիս, գտել է, որ վերջինի կողմից առանց պատիժը կրելու և նրա նկատմամբ ազատագրկման ձևով նշանակված պատիժը պայմանականորեն չկիրառելու միջոցով հնարավոր է հասնել պատժի նպատակներին և ապահովել ՀՀ քրեական օրենսգրքով սահմանված՝ արդարության, պատասխանատվության անհատականացման և պատիժ նշանակելու ընդհանուր սկզբունքները⁹:

⁷ Տե՛ս Վճռաբեկ դատարանի՝ Նարեկ Ադամյանի և Անդրանիկ Ավագյանի գործով 2025 թվականի մարտի 21-ի թիվ ԳԴ1/0036/01/23 որոշման 13-րդ կետը:

⁸ Տե՛ս սույն որոշման 8-րդ կետը:

⁹ Տե՛ս սույն որոշման 9-րդ կետը:

- Վերաքննիչ դատարանը, ըստ էության, արձանագրել է, որ մեղադրյալ Հովհաննես Խանադյանի նկատմամբ նշանակված պատիժը պայմանականորեն չկիրառելու վերաբերյալ Առաջին ատյանի դատարանի հետևությունը հիմնավոր է¹⁰:

15. Վարույթի փաստական տվյալները գնահատելով սույն որոշմամբ մեջբերված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ստորադաս դատարանների կողմից Հովհաննես Խանադյանի նկատմամբ նշանակված պատիժը պայմանականորեն չկիրառելու հիմքում դրված՝ անձը բնութագրող և պատասխանատվությունն ու պատիժը մեղմացնող հանգամանքները, պատասխանատվությունն ու պատիժը ծանրացնող հանգամանքների բացակայությունը, ինչպես նաև սույն քրեական գործով ձեռք բերված փաստական տվյալները ողջամտորեն չեն նվազեցնում մեղադրյալի կամ նրա կատարած արարքի հանրային վտանգավորությունն այն աստիճան, որ վերջինիս նկատմամբ պատիժը պայմանականորեն չկիրառելը համարվի իրավաչափ:

16. Վճռաբեկ դատարանը գտնում է, որ Հովհաննես Խանադյանի նկատմամբ նշանակված պատիժը պայմանականորեն չկիրառելիս, ստորադաս դատարանները պատշաճ իրավական վերլուծության չեն ենթարկել մեղադրյալի և նրա կողմից կատարված հանցավոր արարքի բնույթի և հանրային վտանգավորության աստիճանի վրա ազդող մի շարք գործոններ, մասնավորապես.

- խախտված հասարակական հարաբերության բնույթն ու կարևորությունը՝ այն, որ Հովհաննես Խանադյանի արարքը ոտնձգել է հասարակական բարձր վտանգավորությամբ օժտված հանրային մարմինների կառավարման բնականոն գործունեության դեմ, մասնավորապես՝ իշխանության ներկայացուցիչների՝ ***օրենքով սահմանված լիազորությունների անխափան իրականացման ապահովմանն ուղղված հասարակական հարաբերությունների դեմ,***

- հանցավորի հոգեբանական վերաբերմունքն իր արարքի և դրա հետևանքների նկատմամբ՝ մասնավորապես այն, որ մեղադրյալը ***գործել է ուղղակի դիպավորությամբ, գիտակցել է, որ բռնություն է գործադրում օրինական ծառայողական գործունեությունն իրականացնող պաշտոնատար անձի նկատմամբ,***

¹⁰ Տե՛ս սույն որոշման 10-րդ կետը:

նախատեսել է իր արարքի և հետևանքների միջև առկա անմիջական պատճառական կապը,

- իրենց օրինական ծառայողական գործունեությունն իրականացնող պաշտոնատար անձանց կողմից Հ.Խանադյանի որդու վերաբերյալ վարչական իրավախախտման արձանագրություններ կազմելուն նրա կողմից խոչընդոտելը, բարձրաձայն վիրավորական արտահայտություններ անելը, վերջիններիս օրինական պահանջին չհետևելը, հայհոյելը՝ այն, որ տուժող Դ.Դավթյանի օրինական ծառայողական գործունեությանը խոչընդոտելու նպատակով մեղադրյալը բռնություն է գործադրել վերջինիս նկատմամբ՝ ***երկու ձեռքով հարվածելով նրա կրծքավանդակի շրջանին՝ հրել դեպի հետ, բռնել է համազգեստից, քաշքշել և ձախ ձեռքով հարվածներ հասցրել նրան:***

17. Ամփոփելով վերոգրյալը, Վճռաբեկ դատարանը փաստում է, որ ստորադաս դատարանները, մեղադրյալ Հ.Խանադյանի նկատմամբ ազատագրկման ձևով նշանակված պատիժը պայմանականորեն չկիրառելով, բավարար չափով գնահատման չեն ենթարկել հանցավոր արարքի կատարման հետևանքով խախտված հասարակական հարաբերությունների բնույթը, մեղադրյալ Հ.Խանադյանին վերագրվող արարքի՝ հանրության համար վտանգավորության աստիճանն ու բնույթը, հոգեբանական վերաբերմունքն իր արարքի նկատմամբ: Նման պայմաններում, Վճռաբեկ դատարանն արձանագրում է, որ ստորադաս դատարանների՝ մեղադրյալ Հ.Խանադյանի նկատմամբ նշանակված պատիժը պայմանականորեն չկիրառելու հիմքում դրած հանգամանքները բավարար չեն կարող համարվել՝ ողջամիտ հետևության հանգելու առ այն, որ պատժի նպատակների իրագործման տեսանկյունից բացակայում է Հ.Խանադյանի նկատմամբ ազատագրկման ձևով նշանակված պատիժը փաստացի կրելու անհրաժեշտությունը: Այլ կերպ՝ ստորադաս դատարանների կողմից Հ.Խանադյանի նկատմամբ ազատագրկման ձևով նշանակված պատիժը պայմանականորեն չկիրառելիս արձանագրված հանգամանքները ողջամտորեն չեն նվազեցնում մեղադրյալի կամ նրա կատարած արարքի հանրային վտանգավորության աստիճանն այնքան, որ վերջինի նկատմամբ նշանակված պատիժը պայմանականորեն չկիրառելը լինի իրավաչափ:

18. Հետևաբար, Վճռաբեկ դատարանը եզրահանգում է, որ մեղադրյալ Հովհաննես Խանադյանի նկատմամբ ՀՀ քրեական օրենսգրքի 452-րդ հոդվածի 3-րդ մասով ազատազրկման ձևով նշանակված պատիժը պայմանականորեն չկիրառելու վերաբերյալ ստորադաս դատարանների հետևությունները հիմնավորված չեն:

19. Այսպիսով, Վճռաբեկ դատարանն արձանագրում է, որ ստորադաս դատարանները, Հովհաննես Խանադյանի նկատմամբ ազատազրկման ձևով նշանակված պատիժը պայմանականորեն չկիրառելով, թույլ են տվել ՀՀ քրեական օրենսգրքի 84-րդ հոդվածի խախտում: Արդյունքում, թույլ է տրվել ՀՀ քրեական դատավարության օրենսգրքի 387-րդ հոդվածով նախատեսված նյութական օրենքի ոչ ճիշտ կիրառում: Հետևաբար, անհրաժեշտ է Հ.Խանադյանի նկատմամբ ազատազրկման ձևով նշանակված պատիժը պայմանականորեն չկիրառելու մասով ստորադաս դատարանների դատական ակտերը փոփոխել. նրա նկատմամբ ազատազրկման ձևով նշանակված պատիժը ՀՀ քրեական օրենսգրքի 84-րդ հոդվածի հիման վրա պայմանականորեն չկիրառելը պետք է վերացնել և թողնել կրելու Լոռու մարզի առաջին աստիճանի ընդհանուր իրավասության դատարանի՝ 2024 թվականի հուլիսի 2-ի դատավճռով նշանակված՝ 1 (մեկ) տարի 11 (տասնմեկ) ամիս 27 (քսանյոթ) օր ժամկետով ազատազրկումը:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ և 171-րդ հոդվածներով, ՀՀ քրեական դատավարության օրենսգրքի 31-րդ, 34-րդ, 264-րդ, 281-րդ, 361-րդ, 363-րդ և 385-387-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Հովհաննես Վիլսոնի Խանադյանի վերաբերյալ Լոռու մարզի առաջին աստիճանի ընդհանուր իրավասության դատարանի՝ 2024 թվականի հուլիսի 2-ի դատավճիռը և այն անփոփոխ թողնելու մասին ՀՀ վերաքննիչ քրեական դատարանի՝ 2024 թվականի օգոստոսի 29-ի որոշումը փոփոխել:

2. Հովհաննես Վիլսոնի Խանադյանի նկատմամբ ՀՀ քրեական օրենսգրքի 452-րդ հոդվածի 3-րդ մասով ազատազրկման ձևով նշանակված պատիժը ՀՀ քրեական օրենսգրքի 84-րդ հոդվածի հիման վրա պայմանականորեն չկիրառելը վերացնել և վերջնական թողնել կրելու նրա նկատմամբ Լոռու մարզի առաջին աստիճանի ընդհանուր իրավասության դատարանի՝ 2024 թվականի հուլիսի 2-ի դատավճռով նշանակված՝ 1 (մեկ) տարի 11 (տասնմեկ) ամիս 27 (քսանյոթ) օր ժամկետով ազատազրկումը:

Պատժի կրման սկիզբը հաշվել Հովհաննես Վիլսոնի Խանադյանին փաստացի արգելանքի վերցնելու օրվանից:

3. Ստորադաս դատարանների դատական ակտերը մնացած մասով թողնել անփոփոխ:

Որոշումն օրինական ուժի մեջ է մտնում կայացնելու օրը:

Նախագահող՝	_____Հ.ԱՍԱՏՐՅԱՆ
Դատավորներ՝	_____Ս.ԱՎԵՏԻՍՅԱՆ
	_____Հ.ԳՐԻԳՈՐՅԱՆ
	_____Լ.ԹԱԴԵՎՈՍՅԱՆ